

'S e fraoch an lus as cumanta air a' mhòinteach. Ged nach eil e a' fàs uabhasach àrd anns an rìoghachd seo, tha fhios againn gur e preas a th' ann oir tha a bhun fiodhach. Ann an dùthchannan nas teotha tha fraoch a' fàs cho àrd ri craobh bheag. Bithidh fraoch a' fàs na bhadan anns na h-àiteachan as tiorma den mhòinteach 's tha na badan sin ga dhèanamh doirbh dhuinn coiseachd an-sin.

Tha caorain-mheadhag, còinneach, 's feur mar canach agus flùran mar braonan-bachlaig a' fàs eadar na badan sin. Tha na dathan soilleir agus am fàileadh cùbhraidh gan dèanamh gu math tarraingeach do mheanbh-fhrìdean, eòin is daoine.

Tha luach bìdhe an fhraoich a' dol am meud gus am bi e deich bliadhna a dh'aois. An uair sin thathas a' losgadh pàirt dheth gus am fàs fraoch ùr. Ma thathas a' losgadh an fhraoich ro thrì ge-tà, dh'fhaodadh na freumhan, an talamh agus lusan eile a bhith air am milleadh gu dona.

Tha barran blasda an fhraoich nam biadh cudromach do fhèidh, caoraich is eòin mar an t-eun-fraoich. Tha seo gu h-àraidh fìor sa gheamhradh nuair a tha sneachda a' còmhdachadh an fheòir nach eil cho àrd ris an fhraoch.



*fraoch*

Tha mòran bheathaichean mar meanbh-fhrìdean, seilcheagan is damhain-allaidh a' tighinn air ais don àite chaidh a losgadh as dèidh an fhalaisg. Mar a tha am feur a' fàs tha uiseagan a' tighinn 's air an sàil tha an t-snathag a tha a' dèanamh neadan anns an fhraoch ùr. Aon uair 's a tha còmhdach math de fhraoch air fàs, tha eòin-fraoich a' tilleadh airson biadh is fagadh.